

Nefndasvið Alþingis
Austurstræti 8 – 10.
150 Reykjavík

SÍMI 545 1200
FAX 545 1212
Netfang ns@ns.is
www.ns.is

Reykjavík, 9. júlí 2009.


Athugasemdir við frumvarp til laga um breytingar á lögum um meðferð einkamála nr. 91/1991, með síðari breytingum, 32. mál, skilyrði gjafsóknar.

Neytendasamtökin telja mjög brýnt að heimilt sé að veita gjafsókn í þeim tilvikum er úrlausn máls hefur verulega almenna þýðingu eða varðar verulega miklu fyrir atvinnu, félagslega stöðu eða aðra einkahagi umsækjanda svo sem lagt er til í b-lið 1. gr. frumvarps þessa. Mörg tilvik, og ekki síst í neytendamálum, eru þess eðlis að þau varða mikla hagsmuni fyrir neytendur almennt, og því mikilvægt að fá úr þeim skorið fyrir dómi, en varða ekki svo mikla fjárhagslega hagsmuni hvers og eins að fýsilegt eða raunhæft sé að höfða dómsmál á eigin kostnað. Þá er lagabreyting í þessa veru enn brýnni þegar horft er til þess að ekki er að finna heimild til hópmálsókna í íslenskum rétti.

Ber þá einnig að líta til þess að oft er dómstólaleiðin sú eina færa til að fá úrlausn ágreiningsmála, en t.a.m. eru kærunefndir ekki starfandi á öllum réttarsviðum auk þess sem álit slíkra nefnda eru ekki alltaf bindandi fyrir málsaðila. Enn fremur er engin sérstök málsmeðferð vegna „smámála“ (e: small claims procedure) fyrir dómi og því miður hefur sáttameðferð sýslumanna (sbr. 107. gr. eml.) ekki verið nýtt sem skyldi.

Telja Neytendasamtökin því brýnt að heimild til veitingar gjafsóknar verði rýmuð í samræmi við það sem áður tíðkaðist, sbr. ummæli í greinargerð með frumvarpinu.

Neytendasamtökin styðja því þetta frumvarp og hvetja eindregið til samþykktar þess.

Virðingarfyllst,
f.h. Neytendasamtakanna,

Hildigunnur Hafsteinsdóttir